

# Ժողովուրդ

125  
(2605)

7 սեպտեմբերի չորեքշաբթի 2022  
տպագրության ԺԱ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

## ՆԻԿՈՒ ՓԱՇԻՆՅԱՆԸ ԽԱՔԵԼ Է ՄԱՍ 85




Կոռուպցիայի դեմ պայքարն իր կառավարության հիմնական առաքելությունը հռչակած Նիկոլ Փաշինյանի օրոք անգամ կոռուպցիան դեռ շարունակում է տեղի ունենալ իշխանությունում: Ինչպես ասում էր Փաշինյանը. «Կոռուպցիան սարսափելի դեմքով, պոզով-պոչով կենդանի չէ, երբեմն այն ունի բավականին հաճելի, գրավիչ, երբեմն՝ գայթակղող արտաքին»: Նրան, փաստորեն, գրավել է «բավականին հաճելի, գրավիչ, երբեմն՝ գայթակղող արտաքինը»: 2020 թվականի օգոստոսի 13-ին կառավարության նիստում գործադիրը չզեկուցվող հարցերից մեկով թույլատրել է վարչապետի աշխատակազմին փոփոխություն կատարել «Անտարես»-ի հետ դեռևս 2019 թվականի դեկտեմբերի 26-ին 21 միլիոն 500 հազար դրամ արժեքով պայմանագրում եւ ծառայությունների մատուցման վերջնաժամկետը երկարաձգել մինչև 2020 թվականի դեկտեմբերի 25-ը: Պայմանագիրը կնքվել է «Հայաստանի վերափոխման ռազմավարություն 2050»-ի տեսլականը հանրությանը ներկայացնելու համար ծավալվող գովազդային արշավը ներկայացնելու համար, որն իրականացնելու է «Անտարես» հրատարակչությունը: Նշենք, որ Արմեն Մարտիրոսյանը, որը հանդիսանում է «Անտարես» ՍՊ ընկերության տնօրենը, բացի ակտիվ հեղափոխական լինելուց, իշխանական ՍԴ դատավոր Վահե Գրիգորյանի վաղեմի ընկերն ու մտերիմն է: Նա ոչ միայն ակտիվ մասնակցություն է ունեցել ապրիլ-մայիսյան իշխանափոխության գործընթացին, այլ նաև մասնակցել է դատարանների շենքերի շրջափակմանը: Եվ չնայած բազմաթիվ քննադատություններին՝ փաստորեն, կոռուպցիոն ռիսկեր պարունակող համագործակցությունը շարունակվում է նաև այս տարի, այսինքն՝ նա հերթական անգամ խաբել է ՀՀ հպարտ եւ արժանապատիվ քաղաքացիներին:

2016 թվականի հուլիսին ՀՀ պետական եկամուտների կոմիտեն բացահայտել է կեղծ փաստաթղթերի միջոցով պետությանն առանձնապես խոշոր չափի վնաս պատճառելու դեպք, որում ներգրավված է գործարար, նախկին պատգամավոր, այսօր արդեն «Ուժը հայրենյաց» կուսակցության նախագահ Տիգրան Արզաքանյանը: Ինչի՞ մասին է խոսքը. Նիկոլ Փաշինյանի մոտ ընդդիմություն աշխատող Արզաքանյանին պատկանող ընկերությունը խաբել է Հայաստանի Հանրապետությանը: ՊԵԿ օպերատիվ հետախուզության վարչության 20-րդ (Հրազդանի) բաժնի կողմից «Պարամաուստ Գոլդ Մայնինգ» ՓԲ ընկերությունում իրականացված բյուջեի հետ փոխհարաբերությունների ճշտության ստուգմանը պարզվել է, որ ընկերությունը 2014-ին «Բիլդ Քոնստրաքշն» ՍՊԸ-ի հետ կնքել է Կոտայքի մարզի «Լուսաջուր» տարածքի մուտքային տարածքի ճանապարհի շինարարության համար նախագծային եւ աշխատանքային փաստաթղթեր կազմելու վերաբերյալ պայմանագիր: Կողմերը 2015-ին կազմել են աշխատանքների կատարման ընդունման-հանձնման ակտ՝ հաստատելով, որ աշխատանքները կատարվել են ամբողջ ծավալով: Աշխատանքի արժեքը սահմանվել է շուրջ 52 մլն դրամ: ՊԵԿ կողմից հիմնավորվել է, որ նշված ընկերությունների պաշտոնատար անձինք, առանց փաստացի ծառայությունների մատուցման, եկամուտների ու ծախսերի վերաբերյալ ներկայացրել են կեղծ փաստաթղթեր՝ պետությանը պատճառելով առանձնապես խոշոր չափի վնաս: Տեղեկացնենք, որ «Պարամաուստ Գոլդ Մայնինգ» ընկերության բաժնետերերն էին ԱԺ նախկին նախագահ Հովիթ Աբրահամյանը եւ Տիգրան Արզաքանյանը: Հիշեցնենք նաև, որ նախորդ տարի ես փաստաթուղթ կեղծելու պատճառով Արզաքանյանը չկարողացավ մասնակցել ընտրություններին: Նա ՌԴ Մոսկվայի տեղեկատվատեխնոլոգիական համալսարան-Մոսկվայի ճարտարապետաշինարարական ինստիտուտից կեղծ փաստաթուղթ էր բերել, իբրև սովորել է այնտեղ 24.02.2018 թվականից մինչև 14.06.2019 թվականը, մինչդեռ չի սովորել: Կեղծ փաստաթուղթը նրան օգնել էր գրանցվելու որպես պատգամավորի թեկնածու, սակայն նրա գրանցումը մինչև ընտրության օրը մերժվեց: «Զր-ջում եմ իմ արածի համար, չեմ ցանկանում ցուցմուք տալ»,-ասի այսպես է դատարանում արդարացել Տիգրան Արզաքանյանը:



«Ժողովուրդ» օրաթերթի տեղեկություններով ՀՀ զինվորական դատախազն այս օրերին պատրաստում է իր ազատման դիմումը: Ավելին՝ մեր աղբյուրները փոխանցում են, որ քաղաքական իշխանությունն այս պաշտոնի համար արդեն թեկնածու ունի, ում մասին առաջիկայում կխոսվի: Վերջինս ՀՀ քննչական կոմիտեի նախկին նախագահ Հայկ Գրիգորյանն է: Զինդատախազությունը, նկատենք, Գրիգորյանի համար անձանոթ կառուց չէ, քանի որ նա նախկինում աշխատել է Զինվորական քննչականում ու այնտեղ տարբեր պաշտոններ զբաղեցրել: Հիշեցնենք, որ հուլիսի 5-ին «Ժողովուրդ» օրաթերթը գրել էր, որ ՀՀ գլխավոր դատախազությունում արշալույսները արդեն խաղաղ չեն: Չնայած Աննա Վարդապետյանը ՀՀ գլխավոր դատախազի աթոռը կզբաղեցնի սեպտեմբերի 15-ից, սակայն մինչ նրա գալը դատախազությունում արդեն որոշ պաշտոնյաներ տրամադրված են հեռանալ: Մասնավորապես, մեզ հասած տեղեկությունների համաձայն՝ մինչ Աննա Վարդապետյանի գալը պաշտոնից ազատման դիմումներ կգրեն ՀՀ գլխավոր դատախազի տեղակալներ, արդարադատության երրորդ դասի պետական խորհրդական Հայկ Ասլանյանը, ՀՀ զինվորական դատախազ Վահե Հարությունյանը: Ասել է թե՛ նրանք չեն սպասի, որ իրենց ազատեն, այլ իրենք առաջ կընկնեն եւ ազատման դիմում կգրեն: Գլխավոր դատախազի տեղակալներից Արմեն Աֆանդյանի հարցը մի քիչ այլ է. դատախազությունում վստահ են, որ Աննա Վարդապետյանը նրա հետ չի աշխատի, ուստի, այսպես, թե այնպես, նա ես կազատվի պաշտոնից: Միակ տեղակալը, որը դատախազությունը չի լքի, Գեորգ Բարդասարյանն է: Բանն այն է, որ նա թեև դատախազ Դավթյանի ընկերն է, բայց նաև «Մարտի 1-ի» գործով մեղադրող դատախազներից մեկն է եւ ծառայություն է մատուցել քաղաքական իշխանությանը:

Գլխավոր դատախազությունն ու ԲԴԽ-ն ներքին զգվառոցի մեջ են: «Ժողովուրդ» օրաթերթի տեղեկություններով վերջին շրջանում Գլխավոր դատախազությունը մեկը մյուսի հետեւից դատարան է ուղարկում ապօրինի ծագում ունեցող գույքի բռնագանձման մասով նախկին պաշտոնատար անձանց գործերը: Դատարանը դատախազության պահանջը վարույթ է ընդունում, որոշում, թե նախկին պաշտոնյաների գույքի վերաբերյալ գործերը Երևան քաղաքի ընդհանուր իրավասության դատարանի քաղաքացիական գործեր քննող որ դատավորները պետք է քննեն: Այսինքն՝ գործը հասել է դատարան, սակայն դատարանում նիստերը չեն կայանում: Ինչո՞ւ չեն կայանում նիստերը. պարզաբանման համար «Ժողովուրդ» օրաթերթը դիմեց Բարձրագույն դատական խորհուրդ, որտեղից մեզ պատասխանեցին. «Գործերը քննեցնելու որեւէ միտում չկա, Հակակոռուպցիոն դատարանը նոր է ձեւավորվել, եւ, հետեաբար, գործերը վարույթ ընդունելուց հետո սահմանված ժամկետներում կնշանակվեն նաև դատական նիստերի օրերը»: Պարզվում է, որ բոլոր գործերը չէ, որ Երևան քաղաքի ընդհանուր իրավասության դատարաններն են քննելու: Մի մասը տեղափոխվելու են Հակակոռուպցիոն դատարան, որտեղ նոր նշանակված դատավորները դեռ կնիք ստանալու ու աշխատասենյակ ունենալու հարց են լուծում: Ի՞նչ է ստացվում. դեռևս 2018-ին վարչապետ Նիկոլ Փաշինյանի կողմից քանիցս շրջանառված թեզը, թե «թալանը կոպեկ առ կոպեկ» հետ են բերելու, դեռևս համալիր գործընթացի չի վերածվում, ավելին՝ ձգձգվում ու դանդաղում է: Հիմա էլ կնիք չունեն:



ՈՎ ԷԻՆՔ, ՈՎ ԴԱՐՁԱՆՔ

«ՓԱՇԻՆՅԱՆԸ «ԽՈՒՐՊՈՒՄ» Է ՀԱՅԱՍՏԱՆԸ», Ա ԱՇՈՏՅԱՆ

Եվրոպական խորհրդի նախագահ Շառլ Միշելի նախաձեռնությամբ՝ Հայաստանի ու Ադրբեջանի ղեկավարներ Նիկոլ Փաշինյանի ու Իլհամ Ալիևի՝ վերջերս Բրյուսելում սեղի ունեցած հանդիպումը, Հայաստանի հանրապետական կուսակցության փոխնախագահ Արմեն Ասոյանի բնորոշմամբ, Նիկոլ Փաշինյանի՝ Արցախից վերջնականապես հրաժարվելու հիմք է դառնում:



Ըստ նրա՝ Եվրոպական խորհրդի կողմից տարածած հաղորդագրությունից պարզ է դառնում, որ, փաստորեն, կատարվում է Ադրբեջանի պահանջը, այն է՝ կողմերը սկսում են «խաղաղության համաձայնագրի» նախապատրաստումը, իսկ ԱԳ նախարարները մեկ ամսվա ընթացքում պետք է հանդիպեն, որպեսզի աշխատեն տեքստի նախագծերի վրա:

«Իսկ այդ համաձայնագիրը չի վերաբերելու Արցախի հիմնախնդրին, այսինքն՝ պաշտոնական Երեւանը թողնում է Արցախը՝ այն թողնելով Ռուսաստանի կամ բախտի հույսին, կամ Ադրբեջանին, որպեսզի հոշոտի: Ի դեպ, եթե նախորդ հանդիպման հայտարարության մեջ «Լեռնային Ղարաբաղը» դարձել էր «Ղարաբաղ», ապա հիմա ընդհանրապես որեւէ հիշատակում չկա Արցախի մասին, ինչն ամբողջությամբ կրկին արտահայտում է Բաքվի տեսակետը», - ասում է Աշոտյանը: ՀՀ-ականի համոզմամբ՝ հայադրբեջանական հարաբերությունների, այսպես կոչված, օրակարգը անջատվում է դարաբաղյան խնդրից: Ինչ վերաբերում է գերիներին ու այլ խնդիրներին, ապա, ըստ Աշոտյանի, Հայաստանը, ունենալով իրավական բոլոր հիմքերը, այս հարցով չի զբաղվում:

**Վերջերս ԱԿԿ-ի Ռասայական խորհրդակցության վերացման հանձնաժողովը զեկույց է հրապարակել Ադրբեջանի վերաբերյալ, որտեղ ասվում է, թե հայ գերիներին խոշտանգում են, խախտվում են նրանց մարդասիրական իրավունքները, Ադրբեջանը այլատյացություն է դրսևորում հայերի նկատմամբ: Նորմալ իշխանությունները կվերցնեն այդ գերկույցը, ինչպես նաև նախկինում հրապարակված մյուս փաստաթղթերը եւ կոխմեին միջազգային կառույցներին, այլ ոչ թե կներեին Ալիևին՝ վճանալով հայերի արյունը նրա ձեռքերից:**

Մենք ունենք 303 անհետ կորած, 100-ից ավելի չտույնականացված մարմին, 100-ից ավելի գերի: Մեր երեխաների ճակատագրով ոչ ոք չի զբաղվում:

Այս հարցերը չեն լուծվում, քանի որ Փաշինյանն ի վիճակի չէ դրանք լուծել եւ

չի ցանկանում դա անել: Նա կարող էր գրել ամեն հանդիպման ժամանակ Շառլ Միշելին խնդրել, որ որպես միջնորդ հանդես գա եւ մեր տղաներից 5-10-ին վերադարձնի:

**Արցախն այժմ ի՞նչ կարգավիճակ ունի: Վերջերս Արցախի անկախության օրն էր, ի՞նչ զգացողություններ ունեիք այդ օրը:**

-Այսօր վստահաբար կարող եմ ասել, որ այն տոնական օրը չէր, որ ունեինք մինչեւ 2020-ը: Այդ օրը ցնծալու կամ ուրախանալու առիթ չունեինք: Ով էինք, ով դարձանք: Ով էինք մինչեւ 2020-ի սեպտեմբերի 27-ը ու ով դարձանք դրանից հետո, երբ Նիկոլ Փաշինյանի եւ իր կառավարիչների պատճառով պատերազմում պարտություն կրեցինք: Այս հարցն ամեն մի հայ պետք է իրեն տա: Մարդիկ, իհարկե, կարող են մտածել, խորհել, ցավալ, ու, վստահ եմ, որ ազգիս մեծամասնությունը այդպես էլ անում է, պարզապես սեփական ուժին հավատալու պակաս կա: Հայաստանն առանց Նիկոլ Փաշինյանի կառուցելու խնդիր ունենք ներկա պահին:

Նիկոլի հեռացումն առաջին անհրաժեշտ քայլն է. բնականաբար, առանց այդ քայլի առաջընթացի հույս ունենալ չի կարելի: Մեր պայքարը, բնականաբար, չպետք է սահմանափակվի Նիկոլի հեռացման հարցով, պետք է սեւեռվենք նաեւ Նիկոլից հետո Հայաստանը վերակառուցելու հարցի վրա, ու այդ վերակառուցման մեջ է մտնում նաեւ Արցախը: Արցախը Հայաստան է, այդ, բայց Հայաստանի Հանրապետությունն է, իսկ Հայաստանի Հանրապետության սրիկա ղեկավարն այսօր անգամ չի հիշատակում Արցախի ժողովրդի ինքնորոշման հարցը: Նա Արցախի անկախությունն հռչակելը որպես էկզիստենցյալ միջոց է դիտարկում, այդքանով հանդերձ՝ շարունակ «խուրդում» է մեզ, մեր անցյալը, մեր զոհերին, հիշատակը եւ մեր պայքարը: «Խուրդվելու» ենթակա միակ մարդը, սակայն, Նիկոլն է: Նա ինքն իրենով մանրադրամ է. թե որ երկրի մանրադրամ է, կարծում եմ մեր ժողովուրդն ինձանից ավելի լավ գիտի:

*Զրույցը ՍԵՎԿԿ ՎԱՐՊՈՒՑԱՆԸ*

ԵԹԵ ՄԱՏՉԵԼԻՌՈՒԹՅՈՒՆ ԶԱՊԱՀՈՎԵՆ

Ազգային ժողովի «Քաղաքացիական պայմանագիր» խմբակցության պատգամավոր, ԱԺ աշխատանքի եւ սոցիալական հարցերի մշտական հանձնաժողովի անդամ Զարուհի Բաթոյանն առաջարկում է տուգանել այն առետորի ու հանրային սննդի օբյեկտներին, որոնք հաշմանդամություն ունեցող անձանց համար մատչելիություն չեն ապահովի:

ArmLur.am-ը տեղեկացավ, որ պատգամավորը համապատասխան փոփոխությունը ցանկանում է ամրագրել ՀՀ վարչական իրավախախտումների մասին օրենսգրքում:

«Առետորի եւ հանրային սննդի օբյեկտներում հաշմանդամություն ունեցող անձանց համար մատչելիության նորմերը չպահպանելը առաջացնում է տուգանքի նշանակում՝ սահմանված նվազագույն աշխատավարձի 250-300-ապատիկի չափով:

Տուգանքի նշանակումից հետո՝ մեկ տարվա ընթացքում, սույն հոդվածի 48-րդ մասով նախատեսված արարքը վարչական տույժի նշանակման օրվանից հետո՝ մեկ տարվա ընթացքում կրկին կատարելը կամ չվերացնելը առաջացնում է տուգանքի նշանակում՝ սահմանված նվազագույն աշխատավարձի 550- 850-ապատիկի չափով», - ասված է նախագծի մեջ:

Նշենք, որ նախագիծը խորհրդարանի օրակարգում «դեռեւս չընդգրկվածների» բաժնում է ներառված:

ՊԵՏԱԿԱՆ ՄԻՋՈՑՆԵՐՈՎ

ՀՀ էկոնոմիկայի նախարարությունը պետական միջոցներով հատուկ տուփով, հայկական զարդանախշերով մեկ շարժ է գնել: ArmLur.am-ը պաշտոնական փաստաթղթերից տեղեկացավ, որ մեկ շարժի համար նախարարությունը վճարել է 40 հազար դրամ: Շարժը գնվել է «Մերգերյան կարպետ» ընկերությունից հուլիս ամսին: Բացի այս, մեզ հայտնի դարձավ, որ էկոնոմիկայի նախարարությունը 3 հատ անուշեղեն է գնել՝ վճարելով ընդհանուր 103 հազար 500 դրամ: Նախարարության գնումներն այսքանով չեն ավարտվում. Վահան Քերոբյանի ղեկավարած նախարարությունը երեւանյան սուպերմարկետներից մեկից 783 հազար դրամի չափով գնում է կատարել: Մասնավորապես, գնվել է 4 հատ գինի՝ ընդհանուր 62000 դրամով, 35 հատ խոզապուխտով սենդվիչ՝ 31 հազար դրամով, 10 տարեկան մեկ կոնյակ՝ 24 հազար 700 դրամով, 20 տարեկան կոնյակ՝ 52 հազար 500 դրամով, 36 հատ օդի՝ 522 հազար դրամով: Նաեւ գնվել են նվերների տոպրակներ: Ենթադրվում է, որ նախարարությունը ավիոհոլային խմիչքը գնել է Լվիբելու նպատակով: Թե ում են դրանք նվիրվելու, փաստաթղթում նշված չէ:

ԱՐԴԵՆ 10 ՏԱՐԻ

ԵԿԵՂԵՑՈՒ ՎԵՐԱՆՈՐՈՎՄԱՆ ԱՇԽԱՏԱՆՔՆԵՐ

Բարեխաչաբար ծիրանենին ոչ ոք չսվեց, ծառը Մայր աթոռ սուրբ Էջմիածնի սանիթից շինարարներն աղանձնաժեցին ու սկսեցին եկեղեցու վերանորոգման աշխատանքները: 2012-ից են մեկնարկել շինարարական աշխատանքները, ու արդեն քաղաքի վարդա-շինարարները հիմնովին վերանորոգում են Մայր Տաճարը: Թեւ փորձում են դահողանել հուշարձանի ամբողջականությունն ու դասական միջավայրը, երբեմն, սակայն, դա անել չի հաջողվում:

հիմնովին ու հիմնարար վերանորոգման համար. կաթողիկոսարանի լուսարարապետ Մուշեղ Եպիսկոպոս Բաբայանը ոչ թվեր, ոչ էլ տեղեկություններ առայժմ չի տրամադրում:

Թեւ բարձրաստիճան հոգեւորականները համաձայնում են, որ Մայր տաճարի օժան ու բացման ժամկետները ձգձգվել են, բայց եւ հստակ ու կոնկրետ չեն պատասխանում հավատավորների առջեւ, ի վերջո, իր դռները եկեղեցին երբ կբացի:

Թեւ ճարտարապետն ասում է, որ շինաշխատանքները կարելի է ավարտված համարել, բայց Մուշեղ սրբազանը Տաճարի դռները բացելու համար շատ ավելի մեծ ժամանակահատված է նախանշում:

Մայր աթոռ սուրբ Էջմիածնի օժան արարողության ձգձգումն իրականում կարող է նաեւ այլ՝ հոգեւոր ու աշխարհիկ իշխանությունների՝ լարված հարաբերություններ ունենալու հետ կապված լինել: Հայաստանի ամբողջ պատմության մեջ գուցե առաջին անգամ երկրի հոգեւոր ու քաղաքական ղեկավարները միմյանց հետ չեն չփվում, չեն հաղորդակցվում: Անգամ պետական ու հոգեւոր նշանակության կարեւորագույն տոներին կաթողիկոսարանն ու գործադիրը, ընդունված կարգի համաձայն, մեկը մյուսին իրավեր չեն ուղարկում ու առանձին-առանձին են մասնակցում հանդիսավոր այս կամ այն միջոցառմանը:

ԻՐԱՎԻՃԱԿ

ՀԻՄՆԱԿՆԵՐՆԵՐ

ՁԵՎԱՎՈՐՎԵԼ Է ՔԱՂԱՔԱՇԻՆԱԿԱՆ ԽՈՐՀՈՒՐԴ

ՀՐԱՎԵՐ՝

ԳԱՏԱԽԱԶՈՒԹՅՈՒՆ

Armlur.am-ը տեղեկացավ, որ ՍԴ անդամ Հրայր Թովմասյանին հրավիրել են Գլխավոր դատախազություն ապօրինի ծագում ունեցող գույքի բռնագանձման գործով:

«Ղեկավարվելով «Ապօրինի ծագում ունեցող գույքի բռնագանձման մասին» ՀՀ օրենքի 16-րդ և 17-րդ հոդվածներով՝ ծանուցում եմ, որ Հայաստանի Հանրապետության գլխավոր դատախազության ապօրինի ծագում ունեցող գույքի բռնագանձման գործերով վարչությունում Ձեզ պատկանող գույքի առնչությամբ իրականացվել է ուսումնասիրություն, որի արդյունքում կազմվել է ամփոփագիր:

Դուք իրավունք ունեք սույն ծանուցագիրը ստանալու պահից մեկ ամսվա ընթացքում ներկայանալ ՀՀ գլխավոր դատախազության ապօրինի ծագում ունեցող գույքի բռնագանձման գործերով վարչություն (ք. Երեւան, Տիգրան Մեծի պողոտա, 50)՝ ծանոթանալու ուսումնասիրության նյութերին, ներկայացնելու դիրքորոշում, ինչպես նաեւ հայտարարագիր:

Ըստ այդմ, հայտնում եմ, որ անհրաժեշտ է ներկայանալ սույն թվականի սեպտեմբերի 07-ին՝ ժամը 09:30-ին, իսկ նշված օրը եւ ժամին ներկայանալու անհնարինության դեպքում օրը եւ ժամը համաձայնեցնելու նպատակով հարկավոր է նախապես զանգահարել 010-511-662 հեռախոսահամարին:

ՊԱՅԹՅՈՒՆԻՑ 24 ՕՐ ԱՆՑ

«Սուրմալու»-ի ողբերգական պայթյունից անցել է 24 օր, եւ մինչ օրս քրեական վարույթով մեղադրյալի աթոռին են հայտնվել 4 անձ:

«Սուրմալու» առետրի կենտրոնում տեղի ունեցած պայթյունի գործով ձերբակալվածներից մեկը առետրի կենտրոնի փոխտնօրենն է, մյուսը՝ պայթած տարածքի վարձակալը, իսկ մյուս երկու ձերբակալվածները պահեստը շահագործողներն են եղել, սակայն ավելի ուշ փոխտնօրենը ազատ արձակվեց:

«Սուրմալու»-ի փոխտնօրենին ու վարձակալներից մեկին մեղադրանք է առաջադրվել հրդեհային անվտանգության կանոնները խախտելու համար, որն անզգուշությամբ առաջացրել է մարդու մահ կամ այլ ծանր հետեւանք: Մյուս երկու անձինք մեղադրվում են անզգուշությամբ երկու կամ ավելի անձանց կյանքից զրկելու համար:

16 մարդու կյանք խլած դեպքից ավելի քան 24 օր անց քրեական գործում դեռեւս կարգավիճակ չունի «Սուրմալու»-ի սեփականատերը:

Քրեական գործով ArmLur.am-ին որոշակի հանգամանքներ են հայտնի դարձել. այսօրվա դրությամբ ողբերգական դեպքից 24 օր անց հարցաքննվել է 110 քաղաքացի, իսկ, ահա, 85 անձ ճանաչվել է տուժող:

Քաղաքացիության ոլորտի հիմնախնդիրները վերհանելու, դրանց շուրջ քննարկումներ կազմակերպելու եւ միասնական լուծումներ առաջարկելու նպատակով ձեռնարկվել է Քաղաքացիության կոմիտեի նախագահին կից Քաղաքացիական խորհուրդ:

ՀՀ քաղաքաշինության կոմիտեից հայտնում են, որ, կոմիտեի նախագահ Արմեն Ղուլարյանի գլխավորությամբ, օրերս կայացել է խորհրդի անդրանիկ նիստը: Ավելի քան 30 անդամից բաղկացած խորհրդի կազմում ընդգրկված են հեղինակավոր, փորձառու ճարտարապետներ, ինժեներներ, բնագավառի այլ մասնագետներ, ինչպես նաեւ ճարտարապետների պալատի եւ Հայաստանի շինարարների միության ղեկավարները: Խորհրդի մասնագիտական քննարկման են դրվելու նաեւ քաղաքաշինական եւ ճարտարապետական առումով կարելություններ կայացնող քաղաքաշինական օբյեկտների, ճարտարապետական համալիրների ու կառուցապատման նախագծերը:

Կոմիտեի ղեկավարը ներկայացրել է համագործակցության նման ձեւաչափի ստեղծման նպատակը եւ խորհրդի աշխատանքների կազմակերպման կարգը: Շնորհակալություն հայտնելով ներկաներին կարելուր նախաձեռնությանը մասնակից լինելու համար՝ նա ընդգծել է մասնագիտական հանրության անմիջական մասնակցությամբ ոլորտի հիմնախնդիրների լուծման առավել արդյունավետ տարբերակներ վերհանելու կարելությունը:



Առաջին նիստի ընթացքում, քաղաքաշինական խնդիրների համատեքստում, անդրադարձ է կատարվել մայրաքաղաքի կենտրոնական հատվածներում կառուցապատման կանոնակարգման հարցին:

ՕՐՎԱ ԽՃԱՆԿԱՐ

ՊԵՏԱԿԱՆ ՄՐՑԱՆԱԿ

Հանրապետության նախագահ Վահագն Խաչատրյանը երեկ ընդունել է IBM ընկերության Էլեկտրոնային նախագծման ավտոմատացման (EDA) խմբի փոխնախագահ, դոկտոր Լեոն Սթոկին, որն արժանացել է Տեղեկատվական տեխնոլոգիաների ոլորտում համաշխարհային ներդրման համար Հայաստանի Հանրապետության պետական մրցանակի: Նախագահ Խաչատրյանն ընդգծել է, որ այսօրինակ մրցանակաբաշխությունները նաեւ լավ հնարավորություն են ընձեռում համաշխարհային ազդեցություն ունեցող ընկերությունների ներկայացուցիչներին այցելել Հայաստան, ծանոթանալ հայ գիտնականների հետ, որոշ առումով նաեւ նպաստում են բարձր տեխնոլոգիաների ոլորտում հորհրդային Հայաստանի ունեցած լավագույն ավանդույթների վերականգնմանը:

ԱՇԽԱՏԱՆՔԱՅԻՆ ԱՅՑ

Վարչապետ Նիկոլ Փաշինյանը սեպտեմբերի 6-9-ն աշխատանքային այցով կմեկնի Ռուսաստանի Դաշնություն:

Կառավարության ղեկավարը Վլադիվոստոկում կմասնակցի «Բազմաբեւեռ աշխարհի ճանապարհին» թեմայով Արեւելյան տնտեսական 7-րդ համաժողովի լիագումար նստաշրջանին, որը տեղի կունենա Ռուսաստանի նախագահ Վլադիմիր Պուտինի եւ այլ պետությունների ղեկավարների մասնակցությամբ. ասված է Հայաստանի վարչապետի աշխատակազմի լրատվականի հաղորդագրությունում:



Նախատեսվում է նաեւ ՀՀ վարչապետի եւ ՌԴ նախագահի հանդիպումը:

Մեկ այլ որոշմամբ՝ ՀՀ ԳԱԱ ռազիոֆիզիկայի եւ էլեկտրոնիկայի ինստիտուտի տնօրենի պաշտոնում միաձայն վերընտրվեց ֆիզիկամաթեմատիկական գիտությունների թեկնածու Տիգրան Զաքարյանը:

ԳԱԱ ՏՆՕՐԵՆՆԵՐ ԸՆՏՐՎԵՑԻՆ

Սեպտեմբերի 6-ին ՀՀ ԳԱԱ նախագահության նիստում ՀՀ ԳԱԱ ֆիզիկական հետազոտությունների ինստիտուտի տնօրենի պաշտոնում միաձայն վերընտրվեց ՀՀ ԳԱԱ թղթակից անդամ Արամ Պապոյանը:

Մեկ այլ որոշմամբ՝ ՀՀ ԳԱԱ Մանվելյանի անվան ընդհանուր եւ անօրգանական քիմիայի ինստիտուտի տնօրենի պաշտոնում միաձայն վերընտրվեց տեխնիկական գիտությունների թեկնածու Կարեն Գրիգորյանը:

ԸՆԴՈՒՆԵԼՈՒԹՅՈՒՆ ՉԻ ԻՐԱԿԱՆԱՑՎԻ

Սեպտեմբերի 21-ին Հայաստանի Հանրապետության պետական տոնի՝ Անկախության օրվա առթիվ ՌԴ դեսպանության հյուպատոսական բաժնում քաղաքացիների ընդունելություն չի իրականացվի: Այս մասին տեղեկանում են ՌԴ-ում Հայաստանի Հանրապետության դեսպանությունից:



ԾԱՆՐ ՅԵՏԵՎԱՆՔՆԵՐ

ԲԱՑԱԿԱՅՈՒԹՅՈՒՆՆ ԱՐԴԱՐԱՑՄԱՆ ՀԻՄՔ Է

Տեսական ժամանակ է, ինչ էլ ՄԱԾ ռազմական հակահետխուզության դաշնակազմը...



սանելի դարձած կամ օտարերկրյա հատուկ ծառայության ներկայացուցիչների պահանջով...

թյունների՝ պետական դավաճանության համար մեղադրվող Արթուր Սարգսյանին...

ՔՆԱՐ ՄԱՆՈՒԿՅԱՆ

ԼՈՒՐԵՐ

ՄԱՐԱՑԵԼ Է ԿՐԱԿՈՑԻՑ

Հիշյալ զինծառայողները տվել են իրենց համաձայնությունը...

Իջեանի ոստիկանների ձեռնարկած միջոցառումների արդյունքում...

ՄՊԱՆՈՒԹՅԱՆ ԳԵՊԸ

Հիշյալ զինծառայողները տվել են իրենց համաձայնությունը...

Ձեռնարկված անհրաժեշտ միջոցառումների արդյունքում...

ԼՈՒՐԵՐ

ԳՈՒՅՔԻ ԲՈՆԱԳԱՆՉՈՒՄ

ArmLur.am-ին հասած տեղեկությունների համաձայն՝ ՀՀ նախկին վարչապետ...

ՊԱՐԶՎԵԼ Է ՊԱՏՃԱՌԸ

Օգոստոսի 31-ին՝ ժամը 13.30-ին, ԱԻՆ հրշեջ փրկարարական ծառայությունից...

● Ըստ ոստիկանության տվյալների՝ սեպտեմբերի 5-ից 6-ը Հայաստանի Հանրապետությունում բացահայտել են հանցագործության 54 դեպք, որոնցից 4-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԽՈՒՃՈՒՃ ԹՎԵՐ

2018թ. դեկտեմբերի 9-ի խորհրդարանական ընտրություններում Տավուշի մարզն ընդգրկող թիվ 13 ընտրատարածքի ընտրողների ընդհանուր թիվը կազմել է 108 773: 2021թ. հունիսի 20-ին կայացած խորհրդարանական ընտրություններում Տավուշի մարզի ընտրողների ընդհանուր թիվը կազմել է 109 հազար 690: 2021թ. հոկտեմբերի 17-ին կայացած Դիլիջան խոշորացված համայնքի ավագանու ընտրություններում ընտրողների թիվը եղել է 18374, 2021թ. նոյեմբերի 14-ին կայացած Իջեան խոշորացված համայնքի ավագանու ընտրություններում ընտրողների թիվը եղել է 33090, 2021թ. դեկտեմբերի 5-ին տեղի ունեցած Նոյեմբերյան խոշորացված համայնքի ավագանու ընտրություններում ընտրողների թիվը եղել է 24133: 2022թ. սեպտեմբերի 25-ին կայանալիք Բերդ խոշորացված համայնքի ավագանու ընտրություններում ընտրողների թիվը 22454 է, այսինքն՝ մարզի բոլոր՝ 4 խոշոր համայնքների ավագանու ընտրություններում ընտրողների ընդհանուր թիվը կազմում է 98051: Ներկայացված բոլոր թվերը պաշտոնական են: 2022թ. հուլիսի 1-ի դրությամբ, ըստ Վիճակագրության պետական կոմիտեի, Տավուշի մարզի բնակչությունը կազմել է 119 հազար 500: Վիճակագրության պետական կոմիտեն բնակչության ընդհանուր թվի մեջ 0-18 տարեկանների հաշվարկ չի կատարում, սակայն Նույն այդ կոմիտեի տվյալներով՝ 2021 թվականի դրությամբ Տավուշի մարզի բնակչության մեջ 0-19 տարեկանների թիվը 31 հազար 155 է: Որպեսզի իրավիճակի մասին ավելի ճշգրիտ պատկերացում կազմվի, նշեմ, որ Վիճակագրության պետական կոմիտեն հաշվառում է մարզի մշտական բնակչությունը, այսինքն՝ Տավուշի մարզի այն բնակիչներին, որոնք գտնվում են մարզում կամ մարզից բացակա են ոչ ավել, քան մեկ տարի եւ ավելի երկար ժամկետով, իսկ ընտրողների ցուցակում ընդգրկված են նաեւ մարզում հաշվառված, սակայն մեկ տարուց ավելի երկար ժամկետով մարզից բացակայացող քաղաքացիներ:

ԾԻԾԱՂ Է ՊԱՐԳԵՎԵԼ

Սեպտեմբերի 25-ին կկայանան Բերդ խոշորացված համայնքի ավագանու համամասնական ընտրությունները: ԶՊ կուսակցության ավագանու թեկնածուների 58-հոգանոց ցուցակը գլխավորում է Բերդի միասնական սոցիալական ծառայության տնօրեն Վահրամ Սուքիասյանը, որը «Ֆեյբուք»-ի իր էջում գրել է. «Մենք մեր գործերով, հոգատարությամբ ու քայլերով պետք է վերադարձնենք մարդկանց ժպիտը եւ մեծ հույսերով լցնենք նրանց կյանքն ապագայի նկատմամբ»: Համացանցում արձագանքել են Վահրամ Սուքիասյանի գրառմանը՝ գրելով, որ նա արդեն ոչ թե ժպիտ, այլ ծիծաղ է պարզելել՝ նկատի ունենալով «Ֆեյբուք»-ի նրա էջում հրապարակված, օգտատերերի կողմից տարածված լուսանկարները: Այդ լուսանկարներում խոշորամարմին Վ. Սուքիասյանը պատկերված է երկու գեր խոզերի հետ, մի այլ լուսանկարում նա «Հայնեկեն» ֆիրմայի գարեջրի մեծ շշով է:

ՈՍՎԻՆ ՍՈՐՈՍՅԱՆ Տավուշ

«18+» ԳՐՈՒԹՅՈՒՆ

ՀՈԳԵՎՈՐԱԿԱՆՆԵՆ ՈՒ ՏԵՂԱՑԻՆԵՐՆ ԱՐԱՋԱՆԳՈՒՄ ԵՆ

Համաշխարհային մեծուքյան գիսական Պարիս Հերունու մահով 1987-ին, երբ Երևանում տեղի ունեցավ աշխարհում հավակնոս ու բացառիկ ռադիոօթիկական դիտարկ, դժվար թե անցնեք, որ դրանից 35 տարի անց Ռադիոֆիզիկայի գիսահեսազոսական ինժեների Արագածի գիսական կենտրոնի համալիրի սարածումը դիտարկում մասնակցություն կարող է երաժշտական միջոցառում իրականացնել:



Սեպտեմբերի 10-12-ը գիտական միջավայրում «Արմատ» ՀԿ-ն երաժշտական փառատոն է անցկացնելու: Թե իրականում ինչ է լինելու այդ փառատոնի ժամանակ, ինչ երաժշտություն է ինչնելու, ինչ են վաճառելու ու պրոպագանդելու, կազմակերպիչների ներկայացրածով դժվար է հասկանալ: Առավել տարօրինակը փառատոնի համար նախատեսված մասնակցության տոմսի վրա նշված «18+» ընդգծումն ու դիտարկի հայելու մեջ լուսային շուռ իրականացնելու հանգամանքներն են:

Տեղացիներն էլ ահազանգվում են, որ Պարիս Հերունու չավարտված արեւային կայանից, որը պատմամշակութային Նորահայտ հուշարձանի կարգավիճակ ունի, մասնատվում են երկարա կոնստրուկցիաներ, որոնք, ըստ ՀԿ-ի աշխատակիցների, փառատոնի ժամանակ բարի ու բեմի հեռակայաններ են ծառայելու:

Թե՛ գիտնականների, թե՛ տեղացիների մտահոգությունները նաեւ տեղի հոգեւոր հովիվին են մտորելու տեղիք տալիս: Թեմայի վերաբերյալ գրուցել ենք Տեղերի հովվության հոգեւոր հովիվ Տեր Մխիթար քահանա Սիարույանի հետ:

«Որպես տարածաշրջանի հոգեւոր հովիվ՝ վերոնշյալ փառատոնի մասով Դուք ի՞նչ անհանգստություններ ունեք, որովհետեւ գյուղացիներն ու գիտնականները մեզ հետ գրուցում նշում են՝ չի բացառվում, որ մշակութային փառատոնի անվան տակ իրականում տարատեսակ այլ բնույթի հավաքներ անցկացվեն:

«Անհանգստություն, այո, իրականում կա, ու ես էլ Ձեզ նման գյուղի ժողովրդի հետ շփումների գրուցների ժամանակ իմացա, որ Ձեր կողմից նշված ընկերությունը գիտական կենտրոնի տարածքում նախատեսում է միջոցառումներ անցկացնել: Մինչեւ փառատոնի մեկնարկն աստղադիտարանի տարածքում, փաստորեն, պրոյեկտիսկ սկսել են նախապատրաստական աշխատանքներ իրականացվել, ինչի շրջանակներում այստեղ տարբեր ազգերի ներկայացուցիչներ են ժամանել:

ՄԵԿՆՈՂՆԵՐԻ ԹԻՎԸ

ՀԱՅԱՍՏԱՆԸ ԵՐՐՈՐԴ ՏԵՂՈՒՄ Է

2022-ի սկզբից Ռուսաստանից Հայաստան է մեկնել 49 հազար մարդ: Ռուսաստանից մարդկանց մեծ մասը մեկնել է Ուկրաինա (79.6 հազար) եւ Տաջիկստան (58.4 հազար): Հայաստանը երրորդ տեղում է:

2022-ի առաջին կիսամյակում Ռուսաստանից արտասահման է մեկնել 419 հազար մարդ. հայտնում է ՌԲԿ-Ն՝ վկայակոչելով Պետական վիճակագրական դաշնային ծառայության (Ռոսստատ) տվյալները: Դա երկու անգամ ավել է՝ նախորդ

վերջերս, օրինակ, գիշերվա ժամին ու առավոտյան վաղից բակում տեսել եմ մեր ազգային բնութագրումներին ոչ հարիր, ոչ պատշաճ ներկայանալի տեսքով երիտասարդների: Մեր աչքի համար տարօրինակ արտաքինով այդ մարդիկ, որ հիմնականում օտարերկրացիներ են, ազատորեն շրջում են գյուղի տարածքում, ու տեղաբնակների մոտ անհանգստություն կա, որ գյուղի երիտասարդությունն ականա այդ շրջանակների ազդեցությանը կարող է տրվել:

Ըստ թափառող գրուցների՝ այդ մարդիկ այլեւայլ հարանվանությունների, գաղափարախոսությունների կամ խմբակների են պատկանում: Մեր ազգին ոչ միայն հարիր չէ, այլ նաեւ մեր աչքին անսովոր է նմանատիպ հագուկապով, կեցվածքով մարդկանց տեսնել շրջապատում: Համաշխարհային մեծուքյան գիտնական Պարիս Հերունու ջանքերով կառուցված ու շահագործման հանձնված ռադիոօթիկական աստղադիտակն ու հարակից տարածքը՝ այլ շինություններով հանդերձ, որը նաեւ պատմամշակութային է, եթե գիտությամբ զբաղվող ընկերության տրված լինեք, հավատացնում եմ գյուղացիների մոտ նման անհանգստությունն չէր լինի:

«Թե՛ Ձեր, թե՛ գյուղացիների հիմնական մտահոգությունը ո՞րն է, որովհետեւ կազմակերպիչներն էլ կարող են սաել, թե՛ գյուղ ֆինանսական հոսքեր են բերում:

«Գյուղացու անհանգստությունն այն է, որ երիտասարդներն ու ոչ միայն, նման փառատոնների մասնակցելով, տարատեսակ հոսքերի մեջ կարող են ներգրավվել: Օրգով համայնքը բավականին փոքր համայնք է, գյուղն իր ավանդույթներով է ապ-

րում, իր կոլորիտը, բար ու բանն ունի: Թե՛ գյուղացիների, թե՛ իմ մտահոգությունն այն է, որ որեւէ միջոցառում, որ կազմակերպվում է մեր հովվության տարածքում, որեւէ ձեռով չհասթարի մեր ազգային նկարագիրը, հավատքի հիմնասյունը, հայրենի արժեքների նկատմամբ ունեցած հավատն ու նվիրումը եւ տարատեսակ, բազմաբնույթ ու օտարածին գաղափարախոսություններով չմասնատի մեր օրինյալ ազգի միասնականությունը:

«Կազմակերպիչները Ձեզ հետ չէն հանդիպել, եկեղեցի չէն եկել:

«Ոչ, ինձ հետ չեն հանդիպել, եկեղեցի չեն եկել: Մի խումբ երիտասարդներ են միայն գիշերը ժամը 12-ին վաղը եկել (գիշեր է լինում, որ այստեղ եմ մտում): Բավական տարօրինակ արտաքին ունեին՝ քթին ականջօղ դրած, երկար եղունգներով, մի խոսքով՝ մեր աչքին անսովոր արտաքինով էին, բայց հոգուս մեղք չվերցնեմ ու հստակ չասեմ, թե նրանք այդ միջոցառման հետ ինչ-որ կապ ունեն:

Այս առնչությամբ հանդիպել եմ խնդրով մտահոգ անձանց, զորոհիակ՝ պատմաբան, հնագետ Զորիսա Մուրդուխյանին եւ Պարիս Հերունու դուստր Նանա Հերունուն, ինչպես նաեւ ուրոտի այլ մասնագետների. բոլորն էլ անհանգստացած են, թե՛ գիտական միջավայրում ինչ համերգ կամ փառատոն է լինելու: Տարօրինակ է նաեւ այն, որ նշյալ փառատոնը նախատեսված է իրականացնել այն օրերին, երբ Հայաստանյայց Առաքելական եկեղեցին մեծ շուքով տոնելու է 5 տաղավար տոներից վերջինը՝ հայ ժողովրդի կողմից սիրված Խաչվերացի տոնը: Հարց է առաջանում՝ ինչու հենց այս օրը: Գիտաֆիզիկայի կենտրոնը Տեղերի Սուրբ Աստվածածին վանքից ընդամենը մի ձորակով է առանձնացված. պարզ է, չէ՞, որ համերգի ծայրերը ոչ միայն եկեղեցում մատուցվող պատարագի ծայրն են խլացնելու, այլեւ խանգարելու են աղոթող հավատացյալներին:

Ընդհանուր առմամբ անիրաժեշտ է նման միջոցառումներ կազմակերպելուց առաջ անարակրիտ ուսումնասիրել ծրագիրը, նպատակները եւ առանձնացված կերպով տեղեկացնել համայնքի ղեկավարությանն ու ժողովրդին, որպեսզի մեր ժողովուրդը եւս անհանգստություն չսպարի այս ծանր իրավիճակներում:

Մեր պահանջն է, որ պատկան մարմինները միջոցներ ձեռնարկեն, որպեսզի հավատացյալ ժողովրդի եւ համայնքի բնականոն կյանքը, անդորրն ու ազգային արժեքների նշանոցը մնա իր բարձր մակարդակին:

Զրուցեց ՍԵՎԱԿ ՎԱՐՊՈՒՅԱՆԸ

● Անցած 1 օրվա ընթացքում Հայաստանի Հանրապետությունում արձանագրվել է 17 ՃՏՊ. 1 մարդ զոհվել է, 27-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԱՐՁԱՆԱԳՐԵԼ Է

ՊԱՐԵՆԱՅԻՆ ԱՊՐԱՆՔՆԵՐԸ ՀԱՅԱՍՏԱՆՈՒՄ

Հայաստանի վիճակագրական կոմիտեն սննդամթերքի եւ ոչ ալկոհոլային խմիչքի շուկայում օգոստոսին, հուլիսի համեմատ, գնանկում է արձանագրել:

Բայց չնայած սրան՝ մակարոնեղենի գներն են աճել 1.1 տոկոսով: Ըստ Վիճակագրական կոմիտեի՝ մեկ տարվա ընթացքում մակարոնեղենի գները բարձրացել են 32.7 %-ով: Թանկացել է նաեւ ձուն 4.8 տոկոսով: Ըստ ՀՀ վիճակագրական կոմիտեի՝ ձվի գինը օգոստոսին, նախորդ տարվա նույն ժամանակահատվածի հետ համեմատ, նվազել է 15.2 %-ով, իսկ այս տարվա հուլիսի համեմատ՝ բարձրացել 4.8 տոկոսով:

ArmLur.am-ը տեղեկացավ, որ բանջարեղենի շուկայում եւս գնաճ է արձանագրվել 0.2 տոկոսով, փոխարենը լոբին, ոսպը, բրինձը էժանացել են:

Օգոստոսին, նախորդ տարվա նույն ժամանակահատվածի հետ համեմատ, այլուրի գների մակարդակն աճել է 16.6 %-ով, իսկ հուլիսի համեմատ՝ արձանագրվել է 1.2 տոկոս գնանկում: Շաքարավազի շուկայում մեկ տարվա ընթացքում արձանագրվել է 7.4 % գնաճ, իսկ այս հուլիսի համեմատ՝ այն էժանացել է 1.6 տոկոսով: Չեթի գինը նվազել է 6.6 տոկոսով:

Հայաստանում ոչ պարենային ապրանքները թանկացել են: ArmLur.am-ը տեղեկացավ, որ օգոստոսին, հուլիսի համեմատ, ոչ պարենային ապրանքների շուկայում գրանցվել է 0.4 տոկոս գնաճ, իսկ նախորդ տարվա նույն ժամանակահատվածի հետ համեմատ՝ 8.2 տոկոս: Հանրապետության 9 քաղաքներում օգոստոսին, հուլիսի համեմատ, գրանցվել է ոչ պարենային ապրանքների 0.1-0.8 տոկոս գնաճ, իսկ 2-ում՝ 0.1 տոկոս գնանկում: Երեւանում ոչ պարենային ապրանքների գներն աճել են 0.4 տոկոսով:

Բենզինի շուկայում է Վիճակագրական կոմիտեն գնանկում արձանագրել. ըստ պաշտոնական աղբյուրի՝ օգոստոսին, հուլիսի համեմատ, հանրապետությունում արձանագրվել է բենզինի 2.5, դիզելային վառելիքի՝ 2.1 տոկոս գնանկում: Մեկ տարվա ընթացքում հակառակ պատկերն է. բենզինի եւ դիզելային վառելիքի գներն աճել են. բենզինը թանկացել է 6.5, դիզելային վառելիքը՝ 37.9 տոկոսով:

Թեւ պաշտոնական աղբյուրը հայտարարում է, որ բենզինի շուկայում գնանկում է, այնուամենայնիվ արձանագրեւք, որ բենզինի մեկ լիտրի արժեքը սկսում է 500 դրամից եւ տատանվում է 520 դրամի սահմաններում: Սա միայն Ռեգուլյար տեսակի բենզինի արժեքն է, բայց, օրինակ, Սուպեր տեսակի բենզինի գինը կազմում է 850 դրամ:

ՍՅՈՒՆ Է ՀԱՄԱՐՈՂՈՒՄՅԱՆ

ՍՏԱՑԵԼ ԵՆ

ՎԿԱՅԱԿԱՆՆԵՐ՝ 40 ՄԱՍՆԱԳԵՏՆԵՐԻ

Սփյուռֆահայ 40 մասնագետներ ավարտել են Հայաստանի Հանրապետության կառավարման համակարգում աշխատանքը եւ ստացել վկայականներ: Նրանք արդեն մեկ ամիս հայրենիքում էին Հայաստանի դեսպանական համակարգում սփյուռֆահայ մասնագետների ներգրավման «ԻԳործ» ծրագրով: Ծրագրի հանդիսավոր փակմանը մասնակցում էին ՀՀ սփյուռքի գործերի գլխավոր հանձնակատար Ջարեհ Սինանյանը, դեսպանական դաշնակցներ, ծրագրի մասնակիցների գործընկերները եւ այլք:

Սփյուռքի գլխավոր հանձնակատարի գրասենյակից հայտնում են, որ 14 երկրներից ժամանած հայ մասնագետներն աշխատել են Հայաստանի Հանրապետության 19 պետական կառույցներում:

«ԻԳործ»-ի մասնակիցները ծրագրեր են իրականացրել հետեւյալ ոլորտներում՝ գիտություն, էկոնոմիկա եւ ներդրումային քաղաքականություն, շրջակա միջավայրի պահպանություն, սոցիալական ապահովություն, հայրենադարձության աջակցություն եւ խթանում, սփյուռքի պարտատոմսերի պահանջարկի ուսումնասիրություն, թվային տնտեսության զարգացում եւ կրիպտոարժույթի վերաբերյալ հետազոտություն, հանրային ծառայությունների թվայնացում, ճանապարհային անվտանգության առնչվող ծրագրեր, ջրային ռեսուրսների արդյունավետ կառավարում, կրթական համակարգ, առաջնային բուժօգնության ծառայությունների բարելավում, մարդու իրավունքների պաշտպանություն, կինոլոգիայի զարգացում եւ այլն:

Գլխավոր հանձնակատար Ջարեհ Սինանյանն իր խոսքում կարեւորեց ծրագրի բաղադրիչները՝ մասնագիտական հայրենադարձություն, պետական համակարգում սփյուռքի ներգրավվածության ապահովում եւ ուղեղների ներհոսք: «Միայն այն հանգամանքը, որ ար-



դեն երկու տարի «ԻԳործ»-ականների 70 տոկոսից ավելին մնում է Հայաստանում, խոսում է ծրագրի արդյունավետության մասին:

Նրանց մի մասը մնում է պետական համակարգում, մի մասն էլ աշխատանքի է անցնում մասնավոր հատվածում», - նշեց Ջարեհ Սինանյանը:

Այնուհետ ելույթներ ունեցան ծրագրի մասնակիցներից մի քանիսը եւ նրանց ղեկավարները:

\*«ԻԳործ»-ը հնարավորություն է ընձեռում սփյուռքահայ մասնագետներին աշխատել Հայաստանի կառավարման ոլորտում եւ իրենց նպաստը բերել երկրի զարգացմանը:

ԼՈՒՐԵՐ

ՀԱՅՏԱՐԱՐՈՒԹՅՈՒՆ

Հայտարարվում է մրցույթ «Երեւանի Առևտրաբաշխային անվան պետական երաժշտամանկավարժական քոլեջ» ՊՈՒԿ-ում շվի կատարողական արվեստի դասավանդող դասախոսի թափուր տեղի համար:

Դասախոսի պաշտոնի համար նախատեսված վարձատրությունը որոշվում է՝ ըստ դասաբաշխման:

Մրցույթն անցկացվում է երկու փուլով՝ փաստաթղթային եւ հարցազրույցի: Մասնակիցների գիտելիքների եւ կարողությունների ստուգումը՝ հարցազրույցը, իրականացվելու է քոլեջի կողմից կազմված հարցատոմսերով:

Մրցույթին մասնակցելու համար անձը հանձնաժողովին է ներկայացնում՝

1. դիմում (Ձեւ 1),
2. բարձրագույն մասնագիտական կրթության մասին հավաստող փաստաթուղթ (դիպլոմ) (բնօրինակը եւ պատճենը),
3. անձնագիր (բնօրինակը եւ պատճենը),
4. աշխատանքային ստաժի վերաբերյալ տեղեկանք (առկայության դեպքում),
5. ինքնակենսագրություն (Ձեւ 4),

6. Հայաստանի Հանրապետության արական սեռի քաղաքացիները ներկայացնում են նաեւ զինզբոսիկ,

7. այլ պետության քաղաքացիները՝ Հայաստանի Հանրապետությունում աշխատելու իրավունք,

8. մեկ լուսանկար՝ 3x4 չափի: Փաստաթղթերի պատճենները պետք է ներկայացնել բնօրինակների հետ: Փաստաթղթերի ընդունման ժամկետն է 08.09.2022 թ. - 22.09.2022 թ.:

Փաստաթղթերն ընդունվում են բոլոր աշխատանքային օրերին՝ ժամը 09:00-ից 18:00-ն, Ազատության 18 հասցեում:

Հարցազրույցը կանցկացվի 23.09.2022 թ. ժամը 10:00-ին Ազատության 18 հասցեում:

Տեղեկությունների համար զանգահարել (010) 285320 հեռախոսահամարով:

ՆԱԽԱԶԳՈՒՇԱՅՆՈՂ ԱԶԳԱՆՇԱՆ

Երեւանի քաղաքապետարանի նախաձեռնությամբ աջակողմյան մշտական երթուղիներով խաչմերուկներում տեղադրվում է լուսային լրացուցիչ տեղեկատվական ազդանշան, որը վարորդներին կհիշեցնի:

րին կհուշի այդ պահին միաժամանակ աշխատող հետիոտնի անցումը թույլատրող կանաչ ազդանշանի միանալու մասին:

Երեւանի քաղաքապետարանից տեղեկացնում են, որ առաջին ազդանշանը տեղադրվել է գործարկվել է Ազաթանգեղոս-Գրիգոր Լուսավորիչ փողոցների խաչմերուկում եւ Արշակունյաց պողոտա Ազաթանգեղոսի փողոց հատման վայրում:

«Վարորդների տեսողաշտը երբեմն սահմանափակ է լինում եւ չեն նկատում զուգահեռաբար հետիոտնի անցումը թույլատրող ազդանշանի միանալու պահը: Այսուհետ, երբ վառվի հետիոտնի կանաչ ազդանշանը, կմիանա նաեւ այդ մասին վարորդին նախազգուշացնող նոր ազդանշանը: Սա առաջինն է: Երեւանում այդպիսի խաչմերուկների թիվը 27 է, մնացած բոլորում եւս կտեղադրվեն լուսացուցային նոր նշանները»,- նշում է Երեւանի քաղաքապետարանի աշխատակազմի տրանսպորտի վարչության պետի ժ/պ Հայկ Սարգսյանը:

Աշխատանքներն իրականացվել են ՀՀ ՃՈ հետ համատեղ: Նախաձեռնության գլխավոր նպատակը պատահարների թիվը նվազեցնելն ու անվտանգ երթուղիներ ստեղծելն է:

«Օղովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:



ԿԱՐԾԻՔ

ԱՂՋՈՑ ՎԱՆՔ

ՓԼՈՒՋՄԱՆ ՎՏԱՆԳԻ ԱՌՋԵՎ Է

ՀՀ Արարատի մարզում գտնվող Աղջոց վանքը, որը միջնադարյան Հայաստանի գոհարներից մեկն է, անմխիթաբար վիճակում է: 13-րդ դարի վանական համալիրը, որն իր վրա է կրել բնության եւ դասական դժվար անցյալի բազում հարվածներ, այսօր փլուզման վտանգի առջև է կանգնած:



Խնդիրը օրերս կրկին բարձրաձայնել է հասարակական գործիչ Զինավոր Մեղրյանը: Վերջինս, անդրադառնալով վանական համալիրի ներկայիս վիճակին, «Ֆեյսբուք» սոցիալական ցանցի իր էջում գրել էր. «Աղջոց վանքի Պողոս-Պետրոս եկեղեցու մուտքի աջ եւ ձախ կողմերում երկու առաքյալների բարձրաքանակներն են. հրաշալի պահպանված արվեստի գործ, որն ինձ մտորելու շատ մեծ նյութ տվեց: Երբ կանգնում ես այդ քանդակների առջև, տպավորություն է, թե հենց այստեղ է գտնվում Հայաստանի մուտքը՝ հոգեւոր Հայաստանի մուտքը: Այո՛, ավիրված, այո՛, խոնարհված, բայց նաեւ շատ հարուստ, շքեղ, խորիմաստ ու խոստումնալից»:

վանք՝ ի հիշատակ քահանա Ստեփանոսի, եւ, ըստ ավանդույթի, այդ օրվանից ի վեր վանքը կոչում են Աղջոց: Վանքը հայտնի է եղել նաեւ «Սբ. Ստեփանոս Աղջոց վանք», «Սբ. Ստեփանոս Սբ. Գրիգոր վանք» անուններով:

Զինավոր Մեղրյանի նախաձեռնությամբ լրագրողների խումբն այցելել է Խոսրովի պետական արգելոցում գտնվող Աղջոց վանք: Ավանդույթի համաձայն՝ Աղջոց վանքի կառուցումը եղել է Գրիգոր Լուսավորչի մտահղացումն ու կյանքի է կոչվել Նրա նախաձեռնությամբ: Այս վանքը բազմիցս հիշատակվում է Հայսմափուրքներում՝ ծիսամատյաններում, ուր հավաքագրվում են ներկայացվում էր սրբերի կյանքն ու նահատակությունը:

Աղջոց վանական համալիրը Զինավոր Մեղրյանի ուշադրության կենտրոնում է հայտնվել վաղուց, երբ արշավական է եղել ու գբաղվել սկաուտական աշխատանքով:

Գրիգոր Խլաթեցու հեղինակած Հայսմափուրքում ներկայացվում է, թե երեք քահանաներ, որոնք դարձել էին փախստական, գալիս են Գառնի: Նրանցից մեկը՝ Ստեփանոս քահանան, անցնում է Գառնիի լեռներն ու այնտեղ մեզ անհայտ պատճառներով մահանում: Մյուս քահանան՝ Գրիգորը, այդտեղ կառուցում է

տեսակետից: Մեր հայրենիքի, ժողովրդի համար հիմա մի պահ կանգնելու, մեր հաղթական անցյալը վերաիմաստավորելու եւ այդ անցյալից մեզ հասած ժառանգությունը վերականգնելու ժամանակն է»,- Աղջոց վանական համալիրում լրագրողների հետ զրույցում ասաց Զինավոր Մեղրյանը:

Հասարակական գործիչն այլընտրանք չի տեսնում. վանական համալիրը պետք է վերականգնվի: Նրա խոսքով՝ իրավունք չունենք կորցնել անցյալից մեզ հասած այս հարուստ պատմական, մշակութային, հոգեւոր ժառանգությունը:

«ժամանակի հրաշակերտ կառույցին մի հայացք նետելով՝ ակնհայտ է դառնում բարդ ու դժվար աշխատանք է, բայց ցանկության ու ներդրումների դեպքում՝ իրականանալի»,- նկատեց Զինավոր Մեղրյանը:

ՀՆԱՐԱՎՈՐ Է

«ԴԱ ՄԵՐ ԲՈՒՂԻՆ ՉԻ ՎԵՐԱԲԵՐՈՒՄ». Ռ. ԶԱՆԻՆՅԱՆ

«Կարծում եմ՝ դա մեր բուհին չի վերաբերում, դրա համար ես առայժմ այդ մասին կարծիք չունեմ», - ArmLur.am-ի հետ զրույցում ասաց Հյուսիսային համալսարանի ռեկտոր Ռայա Զանինյանը՝ նշելով, որ, հնարավոր է, Կառավարության նոր նախագիծը մասնավոր բուհերի վրա անդրադարձ չունենա:



«Մեզ հետ դեռ ոչ մի քննարկում չի եղել, կամ պաշտոնական գրություն չի եկել: Եթե հանրապետությունում բոլորն այն կարծիքին լինեն, որ պետք է տեղափոխվեն Աշտարակ, գուցե մենք էլ այդ կարծիքին լինենք», - հավելեց մեր զրուցակիցը:

ավորել Հայաստանի Վ. Բոյոսովի անվան պետական, Խ. Աբովյանի անվան մանկավարժական համալսարաններն ու Ֆիզիկական կուլտուրայի պետական ինստիտուտը: Նշենք, որ, բացի վերոնշյալ երեք բուհերի միավորումից, կառա-

վարության ավելի վաղ ունեցած տեսլականներից էր նաեւ Երեւանի թատրոնի եւ կինոյի պետական ինստիտուտի եւ Երեւանի գեղարվեստի պետական ակադեմիայի միավորումը:

ԼԻՂԱ ԵՐԻՎԱՆՈՒՅՍ

ԼՈՒՐԵՐ

ՆԱԽԱՎԵՐՋԻՆ ՏԵՂՈՒՄ Է

Հայաստանի շախմատի տղամարդկանց թիմի նախկին անդամ Լեւոն Արոնյանը շարունակում է պայքարը Sinquefield Cup-ում: ԱՄՆ-ում անցկացվող այս մրցաշարում կայացել են 4-րդ տուրի պարտիաները: Հայ գրոսմայստերը մրցել է ԱՄՆ ներկայացուցիչ Դոմինգես Պերեսի հետ: Պարտիայի 35-րդ քայլին շախմատիստները համաձայնել են կիսել միավորը: Sinquefield Cup-ի առաջատարը 3 միավորով Հանս Նիմանն է: Երկրորդ տեղում ԱՄՆ ներկայացուցիչ Ուեսլի Սոն է: Լեւոն Արոնյանը նախավերջին տեղում է: Sinquefield Cup-ին մասնակցում են 10 շախմատիստներ: Այն բաղկացած է 9 տուրից, իսկ մրցանակային ֆոնդը կազմում է 1,4 միլիոն ԱՄՆ դոլար:

ԿԵՍԱՐՈՒՆԱԿԻ ԲՈՒՂՎԱՐԻԱՅՈՒՄ

Հայաստանի հավաքականի խաղացող Ժիրայր Շաղոյանը կարիերան կշարունակի Բուլղարիայում: 21-ամյա եզրային կիսապաշտպանը Երեւանի «Արարատ-Արմենիայից» տեղափոխվեց Սոֆիայի ԲԿՄԱ: Անցած մրցաշրջանը Ժիրայր Շաղոյանը վարձակալությամբ անցկացրել էր Երեւանի ԲԿՄԱ-ում: Transfermarkt-ը Ժիրայր Շաղոյանի տրանսֆերային արժեքը գնահատում է 250 հազար եվրո:

ՇԵՏԱՔՐՔՐՎԱԾ ԵՆ

Մադրիդի «Ռեալն» ու կատալոնական «Բարսելոնան» հետաքրքրված են Մոսկվայի «Ռինամոյի» եւ Ռուսաստանի հավաքականի կիսապաշտպան Արսեն Զախարյանի ծառայություններով: Այս պահին սկաուտները հետեւում են 19-ամյա ֆուտբոլիստի խաղին եւ ձմեռային տրանսֆերային պատուհանի ժամանակ կարող են առաջարկ անել «Ռինամոյին»: Արսեն Զախարյանի հրաժարագինը 15 միլիոն եվրո է: Լոնդոնի «Չելսին» ամառային տրանսֆերային պատուհանի ժամանակ մտադիր էր ձեռք բերել Զախարյանին, սակայն Ռուսաստանի դեմ պատժամիջոցների հետեւանքով բանկային փոխանցում կատարել չէր կարողացել: Զախարյանը հաստատել էր, որ բանակցել է «Չելսիի» ներկայացուցիչների հետ եւ համաձայնություն տվել տեղափոխությանը: Ռուսաստանի ընթացիկ առաջնությունում Զախարյանը մասնակցել է 7 հանդիպման, խփել 1 գոլ, կատարել 2 գոլային փոխանցում:

ԹԵՐԱԳՆԱՐԱՏԵԼ ՉԻ ԿԱՐԵԼԻ

Ֆրանսիայի չեմպիոն ՊՍԺ-ի ֆրանսիացի գլխավոր մարզիչ Կրիստոֆ Գալտիեն իր ղեկավարած թիմը չի համարում Չեմպիոնների լիգայում հաղթողի գլխավոր հավակնորդ: «Չեմ կարծում, որ ՊՍԺ-ն Չեմպիոնների լիգայի ֆավորիտն է: Մրցակիցներին թերագնահատել չի կարելի է: Ամեն տարի 8 կամ 9 ակումբ հույս ունի նվաճել Չեմպիոնների լիգայի գավաթը, բայց հաճախ նրանք նույնիսկ եզրափակիչ չեն հասնում, քանի որ լիգայում են անակնկալներ, անհավանական սցենարներ, բայց մենք ունենք հաղթանակի հասնելու ձգտում», - Գալտիենի խոսքը մեջբերում է Goal.com-ը:

● Սեպտեմբերի 9-ին «Շանթ» հեռուստաընկերությունում տեղի կունենա «Ռուբեն Հախվերդյան. «Աշխատանքային էլեգիա»» համերգը: Տոմսերի արժեքը՝ 3000-8000 դրամ: Սկիզբը՝ ժամը 19:00-ին:



ՏՆՏԵՍԱԿԱՆ

ՀԱՐՑ. ԵՏՄ անդամ դեմոկրատներից Հայաստանի Հանրապետություն ակցիզային դրուսանիներով դարձադիր դրուսավորման ոչ ենթակա, ակցիզային հարկով հարկման ենթակա ապրանքների ներմուծման դեղմում ակցիզային հարկը ի՞նչ ժամկետում դեմ է վճարվի:

Հրանտ Մինասյան (31 տարեկան)



ՊԱՏԱՍԽԱՆ.

ԵՏՄ անդամ պետություններից Հայաստանի Հանրապետություն ակցիզային դրուսանի շեղումով պարտադիր դրուսավորման ոչ ենթակա, ակցիզային հարկով հարկման ենթակա ապրանքների ներմուծման գործարքների մասով ակցիզային հարկի վճարման ժամկետները սահմանվում են «Անուղղակի հարկերի մասին» արձանագրությամբ եւ «Անուղղակի հարկերի հաշվարկման եւ վճարման առանձնահատկությունների մասին» Հայաստանի Հանրապետության օրենքով (ակցիզային հարկի գումարները Հայաստանի Հանրապետության պետական բյուջե են վճարվում մինչեւ ապրանքները Հայաստանի Հանրապետության տարածք փաստացի ներմուծելու (Հայաստանի Հանրապետության պետական սահմանը հատելու) օրը ընդգրկող ամսվան հաջորդող ամսվա 20-ը ներառյալ՝ որպես հարկային մարմնին վճարվող գումարներ):

ՀՀ հարկային պետական ծառայություն

«ԺՈՂՈՎՈՒՐԳ».

Հայաստանի Հանրապետություն ներմուծվող, ակցիզային հարկով հարկման ենթակա ապրանքների (բացառությամբ ԵՏՄ անդամ պետություններից ներմուծվող՝ ակցիզային դրուսանի շեղումով պարտադիր դրուսավորման ոչ ենթակա, ակցիզային հարկով հարկման ենթակա ապրանքների) համար օրենքով սահմանված կարգով հարկ վճարող (հարկի վճարման պարտավորություն կրող) անձանց կողմից ակցիզային հարկը վճարվում է ներմուծման օրվանից տասն օրվա ընթացքում՝ Հայաստանի Հանրապետության կառավարության սահմանած կարգով:

ՍՈՑԻԱԼԱԿԱՆ

ՀԱՐՑ. Ո՞վ ունի ընտանիքի անդամի մահվան դեղմում միանվագ հրատապ օգնության իրավունք: Ղերենիկ Գրիգորյան (48 տարեկան)



ՊԱՏԱՍԽԱՆ.

Ձնտանիքի անդամի մահվան դեղմում միանվագ հրատապ օգնության իրավունք ունի այն ընտանիքը, որի կենսաթոշակառու, ծերության, հաշմանդամության կամ կերակրողին կորցնելու դեղմում նպաստի իրավունք ունեցող անձ չհամարվող անդամներից մեկը մահացել է եւ դիմելու ամսվա դրությամբ ունի ընտանեկան կամ սոցիալական նպաստ ստանալու իրավունք:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ».

Ձնտանիքի անդամի մահվան դեղմում միանվագ հրատապ օգնությունը նշանակվում է, եթե դիմումը ներկայացվել է մահվան օրվանից հետո՝ վեց ամսվա ընթացքում, եւ ընտանիքը դիմելու ամսվա դրությամբ ունի ընտանեկան կամ սոցիալական նպաստ ստանալու իրավունք:

ԼՈՒՐ ԿԱԴՐ

Լուսանկարն արվել է Երեւանում



Երեկ՝ սեպտեմբերի 6-ին, գրեթե 1 ժամ խցանում էր առաջացել Երեւանի Երվանդ Քոչարի փողոցում, որտեղ բախվել էին Mercedes GLS 450 մակնիշի եւ այլ ավտոմեքենաներ: Վարորդները 1 ժամ է՝ սպասում էին «Մեծն ԱՊ-ՊԱ-ին»: Այդ հատվածով անցնելու համար վարորդներից պահանջվում էր 20-25 րոպե:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել

«Հայմամուլ» ՓԲԸ հեռ. 45-82-00, 45-19-11

«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ \_\_\_\_\_
Ազգանուն՝ \_\_\_\_\_
Առաքման հասցե՝ \_\_\_\_\_
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049
0023, Արշակունյաց 2, 5-րդ հարկ, 518ս.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող եք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 6.09.2022

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: